

文筭彙氏

十三

漢書門類			
三〇七號	九函	四架	一冊

庫文閣内	
漢書	三〇七號
函	九
架	四
冊	一

内閣文庫		
番號	漢	3077
冊數	15 ( 8 )	
函號	367	61

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak





文彙彙氏卷之十三

淺草文庫

盱江後學 廷用傳作興 編纂

周公族

商音

郇

周文王第十七子封郇以國為氏今淮南多此姓

漢郇

越字君仲太原人明經飭行平帝時州郡舉茂才散家

財以分施九族州里志云節高顯名於世

郇

恁字君大劉平薦為議郎少好清脩父資散與宗族隱

居山澤以求厥志

唐郇

模晉州男子大曆中獻三十字一字為一事曰團者請

罷團練使曰監者請罷監軍使也朝廷館之客省



明郇 詮號中山山東益都選貢

荀 河內 郇去邑為荀系本云晉大夫逝遨生林父二生  
夷二生偃二生吳二生寅皆荀姓 知氏中行

徵音 楊荀 孟荀

氏亦祖 逝遨

周荀林父即桓伯帥師救鄭與楚戰敗績林父請死士貞子諫

曰林父事君進思盡忠退思補過社稷之衛也夫其敗也

如日月之食何損於明後林父敗赤狄於曲梁賞士伯曰

獲狄子之功也

荀息 晉大夫請假道於虞以伐虢師還襲虞滅之息牽馬

持璧而前曰璧則猶是也而馬齒加長矣 靈公造九層

之臺敢諫者斬息求見曰臣能累十二碁子加九邠於其

進盡忠 退補過 信社稷 之有人

遠攻號

近交虞

允國家

之勝筭

上公日子試作之息正顏色定志意以碁子置下加雞子

其上公曰危哉息曰不危復有危於此者九層之臺三年

不成國用空虚隣國謀議將興危孰甚焉公悟曰寡人之

過也乃罷役 獻公使息傅奚齊曰以是藐諸孤辱在大

夫息對曰臣竭其股肱之力加以忠貞其濟君之靈也不

濟則以死繼之里克殺奚齊息死之

荀 欣趙臣相國公仲連進欣與牛畜徐越欣侍以選練舉

賢任官使能烈侯說謂歌者之田且止以欣為中尉

荀 卿名况仕楚為蘭陵令論為將有六術五權三至以仁

義為本推儒墨道德之行事著數萬言名曰荀子羽翼六

橋箏類 川四長 梓協高 陽八人



經增光孔氏三為祭酒

漢荀淑字季和博學有高行李固李膺師之仕朗陵令蒞事

明理稱為神君遇黃憲旅次竦然異之語移日日子吾之

師表子八人穎川令名其里曰高陽里荀氏八龍慈明無

雙陳寔至其家八龍更侍左右太史奏德星聚子靖字

叔慈有雋才以孝名隱身修學屢辟不就號玄行先生

爽字慈明十二歲通春秋杜喬奇之口可為人師或問靖

爽孰賢許邵曰二人皆玉慈明外朗叔慈內潤孫或字

文若王佐之才曹操謂吾子房以為奮武司馬軍國事悉

以咨之劉季和言荀令君坐處三日猶香攸字公達深

德星應

太史之

占

崑玉協

許邵之

論

審有智謨謀帷幄操稱文若進善不進不休公達去惡不

去不止或攸皆人之師表稱二仁或子粲字奉倩顓

字景倩晉高祖異之曰荀令君之子也右父風精純體道

忠允立朝有佐命弼導之勳銘功太常晉武帝以顓為

司空何曾為司徒司馬孚為太宰鄭冲為太傅司馬望為

太尉石苞為司馬陳騫為太將軍王祥為太保八公同辰

攀鱗附翼淑孫悅字仲豫撰漢紀三十卷議論弘博為

侍中作申監五篇為政之道先屏四患乃崇五政志在獻

替東坡謂荀慈兄弟莫非龍

晉荀勗字公曾武帝朝領秘書監得汲冢竹書撰次以為中



道玄洵

雅已欽

重千戴

詩

檢次誠

懷尤褒

嘉于晉

詔

經分爲四部甲乙丙丁勗有才思善同人主意以是能固其寵久在中書專掌機事及遷尚書令人賀之曰奪我鳳凰池何賀焉時詔問政之損益勗謂省吏不如省官二二不如省事二二不如清心

荀 藐字公然檢次令爲政以德而民懷之有鳳凰集其境

武帝下詔褒美云就之如日月敬之如神明愛之如父母

樂之如時雨

荀 遽字道玄拜太子洗馬戴若思欽重之作詩誦曰才經

文雅

荀 羨字令則褚裒竒之曰荀生逸群之氣將有冲天之舉

爲徐州刺史年二十八中興方伯未有如荀少年者

賈 武威 唐叔虞少子公明周康王封於賈

漢賈 誼洛陽年少文帝時吳公薦之召爲博士歲餘超遷至

大中大夫治安策通達國體痛哭流涕每詔令議下諸老

先生不能言賈生盡爲對各如其意所欲出乃請改正朔

典禮樂易服色更制度絳灌等毀之出爲長沙王太傅帝

後思誼召見宣室問鬼神帝不覺前席曰吾久不見賈生

自以爲過之今不及也 慨然身任天下云試臣以屬國

之官主匈奴行三表五餌之計必繫單于之頸 孫捐之

字君房待詔金馬門議棄珠厓等郡楊興曰君房言語妙

角音  
陸賈  
董賈  
蘇賈



天下使爲尚書過五鹿充宗遠矣

賈山穎川人文帝時上書言治亂之道借秦爲喻名曰至

言雷霆所擊無不摧折萬鈞所壓無不糜滅又上書諫禁

鑄錢

虎觀名

高

雲臺

重

賈逵字景伯平陵人年五歲姊聞隣家書聲抱逵隔牆聽

十年乃暗誦六經無遺句從劉歆受左氏春秋門人獻粟

盈倉人謂吾耕明帝時作神雀頌與班固同受秘書白虎

觀講經和帝時劉棻薨子愷當嗣讓其弟逃十年有司奏

請絕其國達上書言有司不原樂善之心而繩以尋常之

法非所以長克讓之風成含弘之化也乃徵愷爲郎

賈復字君文南陽人先武時剛毅方正多大節從帝擊青

犢大呼先登所向披靡帝謂有折衷千里之才闔門養

重朱祐薦爲相封膠東侯列雲臺後方戰傷甚帝曰失吾

名將

賈讓陳治河三策土之有川猶人之有口善爲川者決之

使導善爲民者宣之使言徒冀州民當河流衝者決黎陽

使北入海上策也多穿漕渠於冀地使民得溉田而分殺

水勢此中策也若繕堤增卑培薄勞費無已此下策也哀

帝嘉納之

見漢溝志

賈琮字孟堅交趾刺史明珠貝絕無所取民歌賈父來

登先而

功成青

犢

來晚而

誦美矣

趾



褻帷以

察吏民

之奸

傾身而

下士庶

之賤

晚使我先及今見清平吏不敢飯治為十三州最遷冀州

刺史行部曰刺史當廣視遠聽糾察美惡何乃垂帷裳以

自掩塞乎乃褻之唐氏曰論治道在一郡當如賈琮刺史

交趾以吏之不良為盜之源清其源而盜自息

賈彪字偉節定陵人兄弟並有才名語曰賈氏三虎偉節

為彪為新息令不忍棄胎產嚴禁數年皆曰賈父所生黨

禁起不忍天下右賢說竇武誦其冤李膺曰吾免此賈生

之力也

魏賈逵字梁道東阿人為豫州刺史時天下初定刺史多不

能攝郡逵曰州本以六條詔書察二千石以下故言嚴

鷹揚有督察之才不言愷悌之德今長吏慢法盜賊公行

知而不糾天下何取正乎其阿縱不如法者皆奏免之

子克謂諸葛誕曰洛中諸賢皆願晉公禪代誕曰君非賈

豫州子乎世受魏恩柰何以社稷輸人

梁賈思伯益都人與弟思中從陰鳳遊人謂雙鳳崔允薦為侍

講武帝從受春秋性至謙傾身下士或問公何不驕曰衰

至便驕何常之有人以為雅談

唐賈至字幼鄰從玄宗幸蜀知制誥帝禪位至撰冊帝曰昔

先天誥乃父為之今命冊又爾為之兩朝盛典出卿家父

子可謂世掌絲綸父曾掌制誥

絲綸世

掌不揚

曾至之

休

棠棣聯

碑克繼

實願之

美



賈嘉隱 七歲以神童召見

賈島 字浪仙詩人初為浮屠騎驢得句云鳥宿池邊樹僧

敲月下門欲用推字於驢上以手作敲推勢不覺冲至韓

愈第三節左右擁至島具道所以愈曰敲字佳矣與論詩

為布衣交令改業後登第宣宗微行至寺聞吟聲取卷覽

之島奪卷曰郎君何會此上去除島長江簿詩云騎驢衝

大尹奪卷忤宣宗每除夕取所作詩以酒脯祭之曰勞吾

精神以是補耳

賈敦頤 曹州人弟敦實俱洛州刺史有棠棣碑刻石頌美又

順守冀州與薛大鼎鄭德本皆有治名號鐺脚刺史

績著循

良允矣

謂鐺作

脚

風清奸

思詎敢

指鉄為

船

五代賈 郁仙遊令正身奉法人醜果郁曰古人畏四知今所知

百倍於昔可不畏乎及代有吏酗酒曰吾再典是郡必懲

之吏曰此鐵船渡海也後再任吏盜庫錢獄具公批云竊

銅鑼以潤家非因鼓鑄造鑊船而渡海不假爇鑪

朱賈黃中 滄州南皮人及第時方七歲李昉稱神童與呂蒙正

等五鳳飛入翰林典貢舉多拔寒峻判太常禮院識典故

損益得中為嶺南採訪使廉直平恕知宣州設法彈盜活

人以千數為政尚簡易嘗薦呂端器識 子守謙 守正

守文 守約 皆為官

賈昌朝 觀文大學士講乾卦時云將相侍講天下盛事後拜



相封魏國公

賈安宅大觀三年狀元及第

賈黯字真儒慶曆狀元謁范仲淹何以教我曰惟不欺二

字可行之終身後語人曰得范公不欺二字用之不盡元

祐中為翰林學士遷給事中

賈天錫帶富貴氣黃山谷答詩險心遊萬仞躁欲生五兵隱

几香一炷靈臺湛虛明

明賈斌景泰山西都司令史上言漢桓帝不任賢臣權歸宦

官唐文宗忽於良佐受制家奴宋徽欽泛虜北行亦闍寺

用事今上皇失位皆由倚托匪人上登寶極宜法祖

為治除去竊柄闈人專備灑掃以端本澄源謹於歷代盡

忠守節之士與侍寵宦官撮其尤者錄成四卷名忠義集

伏乞刊布臣寮必觀感興起而宦官亦不得縱其奸私矣

我朝攻宦官自此疏始然斌以疎賤行之尤難

賈三近上疏近年州縣重甲科輕鄉舉同一寬也在進士為

撫字在舉人則為姑息同一嚴也在進士為精明在舉人

則為暴戾低昂之間殿最倏異上善之

原東魯文王之子封原有莊公襄公望出太原

周原憲字子思清靜守節貧而好道居魯環堵之室桑柘道

隰子貢相衛過之曰何病乎憲曰聞之無財謂之貧學道

角音

燎原

五原

周原



而不能行謂之病憲貧也非病也懷獨行君子之恥義不  
苟合封任城伯

原 桃字子籍孔子弟子封樂平侯

原 壤孔子故人其母死夫子助之木椁壤登木日久矣予

之不托於音也歌曰狸首之斑然木文之華執女手之卷拳然

言掉之滑夫子為弗聞而過之從者曰子未可以已乎子曰丘

聞之親者毋失其為親也故者毋失其為故也朱子曰壤

之歌乃是大惡若要理會不可但已只得且休至夷侯不  
得不教誨故直責之

原 軫晉大夫時秦師東及滑鄭商人弦高告鄭乃滅滑而

還軫曰秦進蹇叔而以會勤民天奉我也秦不可失敵不

可縱必伐秦師遂發命遽興羗戎敗秦師於殽獲孟明

西乞白一以歸

漢原 涉字巨先父南陽太守常例二千石官賦歛送葬皆萬

以上涉父死讓還聘送扶柩歸葬廬墓三年 問里之俠

原涉為魁 哀帝時大司徒舉為谷口令谷口聞其名不

言而治

唐原 穀孝子傳云穀祖年老父厭之泣諫不從作昇輿棄之

於野穀叔輿先歸云他日以此叔父之感悟載歸侍養盡

職更成純孝穀為順孫

贈音父  
財貨助  
喪也  
柩音白



明原

傑字子英山西陽城人成化時湖廣陝西河南流民為

患傑以副都御史往治其事置立州縣安集流移謂民猶

水也水性就下猶民之秉彜而好德也脅從之黨豈皆盜

耶設州縣而簡賢任能輕徭薄賦先以羈縻其心佩犢帶

牛漸以化成其俗反側蒼生安枕於閭閻之下撫安之策

莫善於此遷兵部尚書薦吳遠為鄆陽知府薦御史吳道

行才德優裕堪代已任

邢

河間 周公之胤左傳邢晉應韓武之穆也

今順天府

周邢

伯晉侯問趙武曰中牟三國之股肱邯鄲之肩髀也吾

欲其令良誰可武對曰邢伯可

商音

魏邢

顓字子昂河間人為曹植家令防閑以禮劉楨書諫謂

家丞顓少秉高節楨何足儔而遇楨以禮待顓則踈恐觀

者謂君侯采庶子之春華忘家丞之秋實也人謂民之先

覺又謂德行堂為政勸民農桑風化大行文帝拜為尚

書

晉邢

邵字子才河間人聰明強記日誦萬言年未二十名動

衣冠李神作大加欽賞引為忘年交有書甚多謂誤書思

之更是一適官國子祭酒視君如慈父不懷二心

唐邢

君牙元和中為鳳翔節度使屈已好士吐蕃不敢侵韓愈

與書云足下為王瓜牙為國藩垣

朱郎方

開効逢

心于秋

實

青箱發

跡思誤

書于春

業



宋邢恕字和叔從程頤學博貫群經司馬光 呂公著 王

安石 吳充皆重之然天資詭詐冒進

邢駘字神彪著作郎敏之子也少為三禮鄭氏學有文思

登上海第仕中書議郎

邢昺字叔明講師比二卦太宗嘉其精博召為國子監丞

專講學之任真宗始置翰林侍講以昺為之

邢晏字初平鄭人位滄州刺史為政清靜吏民安之

邢巒字洪賓鄭人為瀛州長少好學負帙尋師有文才幹

畧其經綸足以締世其才幹足以為邦內參機務外寄折

衝仕北魏為中書侍郎

邢侯之

姨譚公

惟私謂

莊姜也

明邢寬末樂二十一年狀元及第

邢珣正德時贛州知府平寧藩紀功

毛西河周文王子叔鄭封毛公為周司空後有毛氏

周毛遂趙平原君門下客也秦攻趙二求救於楚平原君約

門下文武備具以行得十九人遂自薦於平原君二曰賢

士處世若錐處囊中其末立見遂曰臣早處囊中乃脫穎

而出矣及至楚二王言合從利害日中不決遂按劍而上

曰楚地方千里持戟百萬白起小豎子耳一戰而舉鄢郢

再戰而燒夷陵三戰而辱王之先人此趙之所羞也故合

從者為楚非為趙也楚王曰唯二遂乃招十九人歃血堂

羽音

二毛

火燎毛

九牛毛

處囊穎

脫

按劍盟

成



下曰君等碌碌所謂因人成事者也楚乃遣兵救趙平原君定從歸曰毛先生言重於九鼎大呂勝不敢復相天下士矣

漢毛亨作詩訓詁以授毛萇故曰毛詩亨為大毛萇為小毛

萇為河間獻王博士善說詩程子曰漢儒如毛萇董仲舒最得聖賢之意

毛欽奉詔捕張儉二匪李篤家欽曰足下何專仁義篤曰今欲分之明廷載半去矣欽遂不捕而去

毛義廬江人家貧以孝行稱南陽張奉慕其名往候之府檄適至以義為安陽令義捧檄而入喜動顏色奉心薄之

說詩貽  
後學望  
重儒宗  
捧檄悅  
親心名  
高孝子

後親死公車屢辟不起奉嘆曰賢者固不可測徃日之喜為親屈也

魏毛玠字孝先封丘人仕吏部尚書選舉皆清直之士以清節自勵人無敢有好衣美食者魏武嘆曰孤之法不如毛尚書賜屏風素几曰卿古人以古物相贈又曰真古所謂國之司直也

倘緣倚  
玉之崇  
尤慶素  
几之賜

晉毛寶字碩貞為温嶠前鋒上岸擊賊嶠表為廬江太守嘗見白龜買而放之後戰敗墜江龜載得活自寶至孫瑒三葉擁旄

毛曾與夏侯玄並坐人謂燕葭倚玉樹



隋毛 爽受京房易法布管飛灰順月皆驗又每律生五音十

二律為六十音因而六之為三百六十音分直一歲之日以配其音

宋毛 漸字正仲江山人登第為兩浙轉運使疏濬水患民甚

戴之嘗為陞原帥破夏人歷龍圖閣學士有詩文世譜諸書

毛 滂字澤民蘇軾守杭州滂為法曹軾得其文深翫之後

薦於朝知秀州著有東堂集

毛文亨貴溪進士仕國子博士時龍見京師水深丈餘文亨

上封事極言闕失因李綱貶遂致仕

尚書清節衣冠後博士長才詩禮家

毛維瞻字國鎮以詩鳴守筠州政平訟理與蘇頲濱倡和蘇

詩云共喜新篘酒味醇官居休暇不須旬政成境內棠陰合訟息庭中草色新不惜牛刀時一割已因鼯鼠發千鈞

云

明毛 澄崑山人弘治狀元謚文簡薦賢如不及未嘗自言或

知而謝曰予忘之矣歷禮尚

毛 吉字宗吉餘姚人登進士授刑部主事嚴明廉鯁訊囚

多立服權貴莫敢撓仕至按察司副使

毛 紀山東掖縣人正德禮部尚書入相

毛伯溫嘉靖時叅贊軍務征討安南國歷官兵部尚書嘗條



陳六事一正名二用兵三用人四理財五明賞罰六一事體

商音 畢 河南文王之子畢公高之後

畢盡 畢業 周畢公高嘗相文王康王命保釐東郊惟公懋德克勤小物弼

星天畢 六王畢 亮四世正色率下罔不祗師言旌別淑慝表厥宅里

畢 萬事晉有功封魏卜偃曰畢萬之後必大萬滿數也魏大名也以是始賞天開之矣後與韓魏共分晉國

晉畢 卓字茂世放達不拘與阮孚等為八達嘗曰得酒數百斛左手持酒盃右手持蟹螯足了一生惠帝時為吏部郎比舍郎釀熟因醉夜至甕間盜飲為掌酒者所獲明旦視

之乃畢吏部也樂廣聞而笑之曰名教中自有樂地何必乃爾

唐畢 誠字存之偃師人燃薪夜讀遂通經史官翰林學士羗人擾河西宣宗召訪邊事誠論破羗甚悉上曰不意頗牧

東郊保 釐非公 誰屬 禁中頗 牧于今 再逢 近在禁中即令為河西安撫使果遂大破羗戎猶如持左券

畢 構字隆擇六歲能文第進士拜御史大夫睿宗嘉其行有古人風賜璽書袍帶

宋畢士安字舜舉雲中人繼母祝氏謂學不求良師不如不學登第為翰林有古人風官至輔相無田園居第謚文簡薦



御史魯

賜璽書

右風震

世

太原不

市銅器

清望絕

倫

寇準為相準好使氣公用重德以鎮之為人有蘊藉尤精  
詞翰寡交惟王祐呂端見引重 曾孫仲游

畢仲游字公叔元祐初召試東坡取為第一後坡表自代云

學貫經史才通世務為衛尉丞與軾書云官非諫官職非  
御史而好是非人危身觸諱猶抱石而救溺也 與司馬

允書未能度其興作之由徒欲禁其散歛變置之事百說

而百不中允得書聳然 知耀州 早先民之未饑揭諭

境內邸賑若干與民糴若干虛張其數也邠民不復閉糴

善屬文切事理而有根據太原銅器名天下不市一物公

叔可謂真清

畢聞慰字子安有器幹瀛州刺史甚有政績

畢再遇字德卿兗州人以勇智立奇功嘗比伐師至靈壁以

五千騎破金人逐北數十里累官上將軍

明畢輝嘉興崇德知縣剛正執法不容奸惡

畢亨字嘉會山東新城人少遊庠校讀書學問負經濟志

成化進士仕至南京工部尚書

召魏郡周之支庶召君奭食邑於召

周召君奭成王時營洛邑作書致誥以敬德誠民祈天永命後

以盛滿難居告老而歸周公作君奭以留之曰汝明勗偶

王在亶乘茲大命君惟乃知民德亦罔不能厥初惟其終

角音  
呼召  
命召  
周召



循行南國有甘棠遺愛稱康公

召虎君奭之孫稱穆公諫厲王防民之口甚於防川為川

者決之使導為民者宣之使言王出奔太子靖匿召公

家其子代太子死太子得脫為宣王命征淮夷有江漢之

詩日辟國百里

召忽齊大夫死子糾之難

漢召信臣字翁卿壽昌人為南陽守視民如子好為民興利躬

勸耕稼戶口歲增吏民親愛治為第一入為少府人稱召

父

召馴字伯春習韓詩之學時人語曰德行恂二召伯春宣

旬宣南

國薇垣

新種甘

棠

惠愛一

方閭里

再呼召

父

帝朝拜左司中郎將

明召玘以福建按察遷南京都御史時諸司廢弛尤多貪縱

玘奉勅考察奏黜不肖御史三十餘人紀綱大振與北院

顧佐齊名憲臺為之一清

邵博陵召加邑為邵

秦邵平廣陵人封東陵侯秦破為布衣種瓜於長安城瓜有

五色甚美稱東陵瓜又青門瓜詩云也傍青門學種瓜

晉邵續字嗣祖朴素有志烈博覽經史妙解天文除泌水令

為平原安樂太守見劉遐端毅以女妻之

宋邵剛登進士與同邑邵材余中同時登選一邑三魁天

角音  
董邵  
德邵



下榮之

邵 華知廣州鑿內河通舟颺不為害陳世卿後代之奏免

口鹽稅時民歌曰邵父陳母除我二苦即為子孫創業垂

統

邵 雍字堯夫謚康節范陽人內聖外王之學受易於北海

李之才衍伏羲先天之旨天性高邁而坦夷溫厚不露圭

角安樂寓吟不作風波於世上自無冰炭到胸中自得吟

云滿日雲山俱是樂一毫寵辱不須驚居洛富鄭公謂可

相招公曰雍冬夏不出門春秋間過親舊相招未必來不

召或自至散步天津橋聞杜鵑啼愀然曰天下將亂地氣

學高康 節嘗辨 諸根莖 萌蘖之 中 德繼文 莊深著 乎孝子 名臣之 譽

自南而北今南方地氣至矣禽鳥得氣之先也新法行吏

士多引去雍曰此賢者盡力之秋新法固嚴能寬一分民

受一分之賜程子狀其有道氣象如空中樓閣又曰振古

豪傑也東坡贊駕風鞭霆歷覽無際手探月窟足踞天根

間中今古醉裏乾坤章惇嘗師事雍及入相欲用其子伯

溫二不往程頤曰吾危子之行也伯溫曰豈不欲見先人

地下耶

邵 曄字日華廣東八賢堂曄其一也

邵憲祖字文度肯溪人主司錄其明堂賦謂可與魯靈光

景福相頡頏子雲流亞也



邵宏淵紹興中領節鉞與金人戰於真州大捷中興十三戰功之一也

望花外  
之車已

邵亢字興宗丹陽人英宗召對群玉殿謂曰學士真國之器也知制誥遷吏侍

欽崇于  
司馬

明邵寶號二泉謚文莊常州無錫人初知許州以古文古行

狀空中  
之閣尤  
鄭重于  
程願

知名諭諸生義利公私之辨及忠孝大節尤急民事躬勸農桑倣朱文公社倉法為備荒計歷江西提學先德行而後文詞修濂溪書院改建白鹿洞書院清學田定課程李西崖贈詩職在文章官在憲政宜嚴肅教宜寬二泉為西崖門生雖在臺習李尤箴規曰予往時為方石老彈射迄

今為感國賢亦耐得我否累遷都憲性度端雅嘗曰願為真士夫不願為假道學潜心著述粹然自出機軸開拓古今秦金謂家稱孝子國稱名臣世稱醇儒傑然為天地間完德君子

邵銳稱廉僖正德會元王鏊梁儲所取也每好箴規人梁儉庵遷觀察使公勉之曰大心胸以集眾善廣耳目以宣

群情

邵旻正德工部侍郎時北方郡縣多蝗命分道督捕

邵景堯萬曆二十六年榜眼

燕 范陽 召公奭封燕

羽音



飲燕

士趨燕

燕居

燕子

周燕昭王修政卑禮厚幣以招賢郭隗曰王欲致士先自隗始

况賢於隗者豈遠千里哉王於是築臺而師事之

燕 丹太子質於秦始皇遇之無禮求歸秦王曰烏頭白馬

生角乃許丹仰天而嘆果烏白馬角後養荆軻使刺秦王

精誠感天白虹貫日

白虹 兵象

燕 伋孔子弟子贈漁陽伯

漢燕 廣明帝時告楚王英作金龜玉鶴與漁陽王平 顏忠

等造作圖書有謀逆事案驗封廣為折姦侯

唐燕欽融睿宗時以忠得罪 姚崇謂詩臣沮逆願披鱗以犯

諱

宋燕 達字逢辰善騎射以材武選隸親衛神宗問曰用兵愛

克厥威乎達對曰威非不用也以愛為先耳官武康節度

使

燕 肅字穆之青州人舉進士官龍圖學士性巧嘗造指南

記里鼓於軍又為蓮花漏分刻不差

芮 平原 姬姓芮伯萬為周司徒後以為氏

未芮及言雲川人為上高令政事精勤容貌嚴厲人畏之號小

監司嘗書屏後曰少飲酒飽餐飯勤出廳公事辦

芮 擘字國器與弟暉同登第擘奇於詩為司業雍容儒雅

有文集因賦牡丹詩忤秦檜二死再和韻寧令漢社稷變

商音 虞芮 芮芮



作莽乾坤起為江西漕 暉仕至尚書

芮國瑞謂桐州簿人皆以詩贈之 倪文舉曰吾與子不交以  
面而交以心 芮曰珠玉之贈不如藥石之賜

明芮昌宗順天寶坻人恩貢

單 南安 周成王封少子臻於單

徵音 雙單

周單襄公定王使聘於宋遂過陳單子告王曰陳侯不有大咎  
國必亡先王之教曰雨畢而除道水涸而成梁草木節解  
而備藏隕霜而冬裘具清風至而修城郭宮室今火朝覲  
矣 心星見 霜降後 而道路若塞野場若棄澤不陂障川無舟梁是  
廢先王之教也其能久乎

單穆公諫鑄大錢古者有母權子 = 權母小大利之今王廢  
輕而作重絕民用以實王府猶塞川源而為潢汙

單成公會韓宣子於戚視下言徐叔向曰單子為王官伯而  
命事於會視不登帶言不過步貌不道容無守氣矣

晉單道開學仙道服細石子一吞數枚升平中入羅浮山獨處  
茅茨蕭然物外年百餘歲

隋單雄信為王世充將善用馬槊號飛將

宋單 時乾道中為殿中侍御史上疏諫擊毬

單士寧慶曆中編脩史館

明單國祚字匡石南直華亭人乙丑進士



官音

情其

味其

自其

伐韓而

功高下

蔡

報趙而

位列上

卿

其

渤海 惠王子叔帶封其左傳稱其昭公

古其

蠅善射彎弓而獸鳥下弟子飛衛

商其

盤武丁受學後以為相

秦其

茂起下蔡間闖頭名諸侯王使約魏伐韓迎於息壤對

曰魯人有與曾參同姓名者殺人三告其母三織自若及

三人告則母投杼而走臣之賢不及參王信臣不若參之

母疑臣者非特三人臣恐王之投杼也王乃盟於息壤遂

拔宜陽 昭王時茂亡奔齊道逢蘇代謂代曰吾聞貧人

女與富人女會績曰我無以買燭而子之燭光有餘可分

我餘光今臣亡而妻子在秦願以餘光振之

其

羅即茂之孫為秦相年十二說趙割五城與秦以廣河

間遂封羅為上卿云以童牙報趙史遷贊其羅年少出一

奇計聲施後世雖非篤行君子亦戰國一策士也

其

龍因衛鞅欲變法龍曰聖人不易民而教智者不變法

而治因民而教不勞成功緣法而治吏習民安

漢其

延壽善騎射為羽林投石超距元帝時與陳湯奉使西域

斬郅支威播外夷劉向曰不煩一兵不費斗糧懸旌萬里

之外揚威崑山之西漢以來未有也賜爵關內侯

吳其

寧字興霸巴西臨江人少任俠二十始讀諸子為孫權

名將步則陳車騎水則連輕舟以百餘人禦曹兵四十萬

羽林威

播外夷

聞牙旌

而胆落

虎將望

高江表

仰玉帳

而心寒



如入無人之境屢立戰功稱江表虎臣官至折衝將軍

晉甘卓字季思梁州刺史鎮襄陽善於撫綏徭役悉除市無

二價西土稱其德政

五代甘戰字伯武豐城人有孝行從許真君學道凡與文秘訣

悉令掌之後駕麟車乘雲而去

明甘潤祖永樂時交趾明經上以為諒江府同知賜勅勉

諭復御製詩賜之

耿高陽姬姓國商祖乙遷耿亦有耿氏望出河東

漢耿壽昌宣帝時為大司農奏設常平倉穀賤增價而糴以利

衆穀貴減價而糶百姓使之賜爵關內侯

角音

介耿

耿

耿然

耿恭字伯宗有將帥才為戊己校尉引兵攻匈奴據疏勒

城匈奴擁絕澗水恭於城中穿井十五丈不得水乃整衣

冠向井再拜為吏士禱水泉奔出虜以為神明單于欲必

降恭二斬其使乃益兵圍之酒泉太守段彭將兵救之得

還鄭眾上疏言恭守孤城鑿山為井煮弩為糧殺傷醜

虜數千卒全忠勇其節義古未有也宜蒙顯爵以厲將帥

拜騎都尉後子孫皆顯官

耿純字伯山事光武屢立大功議上尊號曰士大夫從王

固望攀龍鱗附鳳翼以成其志耳封東光侯列雲臺東郡

民留願得耿君光武謂披甲胄軍士耳治民何乃見思若

疏勒之

泉忽湧

醜虜驚

魂

蒲闌之

劍有吉

征夫奮

氣



是

耿弇字伯昭攻祝阿以發跡不肯以賊遺君父光武曰此

我北道主人追張步至蒲關劍有聲曰是必克敵者封好

時侯雲臺累葉以功名著 第國為大司馬 國子秉字

伯初好將帥之畧能說司馬兵法與竇憲征北單于登燕

然山刻石紀功封美陽侯 時音止

五代耿豪字令貴為郢州刺史周文嘆曰令貴武猛所向無前

芒山之戰右手拔刀左手把稍真豪士也

唐耿滯能詩與錢起齊名號大曆十才子 滯音偉

宋耿秉字直之江陰人律已清儉兩為浙漕所至以利民為

板麟附  
翼志在  
功名  
鑿井堊  
良心專  
節義

念歷煥章閣侍制著有春秋傳

明耿再成開國功臣勇力出群識見洞達威名亞於胡大海追

封高陽郡公 子天壁

耿秉文開國功臣沉勇果毅將畧夙成守長興十年孤城血

戰卒保無虞封長興侯

耿九疇河南盧氏人為都御史節儉嚴肅無秋毫私吏胥豪

商勢家凜不敢肆嘗坐水旁童子曰水清不若使君清

孝友純至居喪秉禮歷太宰用儲瓘為考功郎 子裕謚

文恪為吏尚學問該博文章雅正冠冕縉紳世濟其美薦

賢才務協公論守清修不營產業不治居第儉約蕭然無



異寒素

商音

韓 南陽 武王之子封韓

晉穆侯稱曲沃韓叔封

子萬於韓

周韓

朋為大夫妻貌美康王奪之朋被囚自殺妻與王登臺

投臺下遺書於帶願以尸還韓王怒令兩塚經宿梓木生

二塚根連於下枝連於上鴛鴦巢於枝旦暮悲鳴時謂二

人精魂

韓武子事晉三世有韓厥稱獻子屠岸賈欲殺趙朔韓厥告

朔使出亡朔曰子必能不絕趙祀 後趙武長厥言於晉

侯口成季之勲宜孟之德而無其後為善者其懼矣乃立

武

韓宣子名起晉使來聘見易象春秋諸書曰周禮盡在魯矣

叔向謂宣子能修武子之德起再拜曰自桓叔以下加吾

子之賜

韓非子韓之諸公子也善刑名法律之學作說難孤憤五蠹

說林五十餘篇號韓非子

漢韓

信淮陰人家貧有大志嘗寄食於漂母受辱於胯下數

以策干羽二不能用蕭何薦國士無雙乃登壇拜將一軍

皆驚引軍以木罌渡河禽魏王女趙廣武君欲陰絕漢糧

成安君不聽信乃設背水陣令二千人拔趙幟立漢赤幟

大破之信令生獲廣武君者千金釋其縛師車之張良謂

淮陰國  
士無雙  
世忠武  
功第一



登壇而一軍皆

驚

拔幟而

二千奮

勇

信可屬大事當一面漢取天下信功居多人稱三傑後徒楚王以千金酬漂母召辱已少年為中尉高祖偽遊雲夢禽信貶淮陰侯為呂后所殺曰狡兔死走狗烹飛鳥盡良弓藏敵國破謀臣亡

韓安國為人大畧天子以為國器歷御史大夫行丞相事所舉皆當世名士獄吏辱之安國曰爾以死灰能不復然乎

韓延壽仕涿郡守率民以孝弟不得舍奸人間里化風俗淳治潁川令行禁止教民禮讓為馮翊民有骨肉爭訟因閉閣思過訟者自化願以田相讓息信周徧二十四縣吏民

不忍欺

韓稜字師伯和帝時竇憲用事尚書以下議欲拜之稱萬歲稜正色曰上交不誦下交不瀆禮無人臣稱萬歲之禮

議者慙而退王龍私奏記上牛酒於憲稜乃劾奏論為城旦漢法有不可加刑者罰之司城門啓閉

韓增圖畫麒麟閣宣帝功臣

韓韶字仲黃為嬴長賊聞其賢相戒不入境流民入縣界

韶開倉賑之曰長活溝壑之人而以此獲罪含笑入地矣稱潁川四長

韓伯休賣藥長安市三十餘年有女子買藥康守價不二女

麟閣功  
名  
鳳樓手  
段



子怒曰公是韓伯休耶乃不二價也康曰我本逃名今女子皆知何用藥為遂隱灞陵山中連徵不起

籠霄捲

晉韓康伯長社人清和有思理留心文學勝氣籠霄飛談捲霧

霧夙高

殷浩 王坦之皆見推重官吏尚

康伯之

五 韓定之答慕容郁詩盛德好將銀管述麗辭堪付雪兒歌郁

出群

問銀管事曰湘東王忠孝全者金管書德行精粹者銀管

拔地倚

書文章華贍者斑竹管書

天再見

韓麒麟仕魏為濟州刺史政尚寬簡從事劉普慶說曰公仗

節方夏不誅斬何以示威曰刑罰所以止惡仁者不得已

而用今民不犯法又何誅乎

隋韓 綽為右僕射 弟軌為中郎將兩人同日拜命帝曰羅

二龍於長衢騁雙驥於千里

唐韓朝宗荊州刺史人景慕之云不願生封萬戶侯但願一識

韓荊州李白上書君侯文章司命人物權衡一經品題便

作佳士不使白揚眉吐氣激昂青雲

韓 愈字退之南陽人少夢人與丹篆一卷強吞之旁一人

撫掌而笑文章日進後見孟郊乃夢中旁笑也 李漢韓

文序斐然如蛟龍翔蔚然如鸞鳳躍日允玉潔千態萬狀

孫樵子謂盧仝月蝕詩韓吏部進學解拔地倚天句二

欲活讀之如赤手捕長蛇不施控勒騎生馬 為刑部侍

高 山斗望  
琳瑯品  
粹



荆州爲

人所景

仰願切

品題

吏部爲

世之權

衡望加

薦拔

郎諫迎佛骨謂佛如有靈禍加臣身貶潮州開衡山之雲  
 化鱷魚之暴轉吏部侍郎薦人道側奇寶不忍棄史贊文  
 起八代之衰道濟天下之溺仰之如泰山北斗云作諍臣  
 論諷陽城上崔群書願交張籍願愈作雲郊爲龍四方上  
 下逐 子昶幼聰敏長慶中進士第一集賢校理史傳有  
 金根車昶改爲金銀文公答之 孫綰 袞俱登進士天  
 昌其後 文公侄湘亦登第少育於公作詩曰青山雲水  
 窟此地是吾家後夜流瓊液凌晨咀絳霞琴彈碧玉調爐  
 養白朱砂寶鼎存金虎元田養白鴉一瓢藏世界三尺斬  
 妖邪解造逡巡酒能開頃刻花有人能學我同去看仙葩

八印權  
 尊  
 二階寵  
 近

公曰子能奪造化乎湘卽聚土以盤覆之良久花開花斤  
 上出金字聯云雲橫秦嶺家何在雪擁藍關馬不前後公  
 貶潮州途中遇雪湘冒雪而來公遂足成一詩 公門人  
 李漢辱知最厚以其子妻之

韓休其文如太羹玄酒有典則薄滋味爲人峭直守正不  
 阿蕭嵩薦爲相宋璟嘆曰不意韓休乃能如是左右曰休  
 爲相陛下殊瘦於舊玄宗曰朕貌雖瘦天下必肥帝有失  
 輒問韓休知否言終諫疏已至李白贈詩古瑟無俗韻寒  
 松不妖花 子滉少有美名所交皆天下豪傑德宗避亂  
 奉天滉運米舟以濟公忠清亮拜同平章有人偷鑿識李



晟於偏裨晟卒為名臣 混女妻楊於陵

韓思彥為御史有直言高宗夜召見加二階

韓熙載為中書舍人制詰典雅有元和風嘗投書李晟曰鈞

大鰲者不取投魚之餌斬長鯨者焉用割雞之刀又云腰

有劍而袖有鋌口有舌而手有筆豈不毅然大丈夫哉乎

生高簡自亢江左稱韓夫子謚文靖

韓重華營田之利東起震武西逾雲川極於中受降城歲省

錢千三百萬緡

韓渥字致元為翰林詩紫殿承恩日金鑾入直年人歸三

島路日過八花磚有香奩集李端叔誦其序云咀五色之

夢吞丹  
篆揮日  
光玉潔  
之文  
集咀靈  
芝荷紫  
殿金卷  
之寵

霧芝香生九竅咽三危之瑞露美動七情謫嶺表詩云謀

身拙為安蛇足報國危將捋虎鬚滿世可能無默識未知

誰擬試齊竿拜相常貽範營起服當草制渥言腕可斷制

不可草能格君之非

韓浦弟洎俱有詞學洎嘗輕浦曰吾兄為文如桑樞蓬戶

僅蔽風雨吾文乃造五鳳樓手浦聞之遺以蜀笺併詩曰

十樣鸞笺出益州新來寄自浣溪頭老兄得此全無用助

汝添脩五鳳樓

宋韓琦字稚圭相州人未遇時題菊花詩不辭老圃秋容淡

且看黃花晚節香自寓志也年二十登進士第一唱名有

捧天著  
兩朝德  
茶  
披雲作  
百氏奎  
質



才當一  
面  
瑞叶五  
雲

五色雲見以學士臨邊天下稱韓范正文軍中有一韓西賊  
聞之心膽寒在相一人愛之如父母為定州安撫歲饑設  
法行賑全活七百萬入修學校課儒生絃誦比之鄒魯嘗  
夢以手捧天者再後立英宗神宗歷相兩朝調和兩宮帝  
云太后待我少恩琦言自古聖王獨稱舜孝豈餘盡不孝  
哉父母慈而子孝常事不足道惟父母不慈而子不失孝  
乃為可稱但恐陛下事之未至帝大感悟出空頭勅除內  
侍任守忠上疏切言青苗法不便上曰侍中國之龜鑑歐  
公心服其德量曰魏公臨大事決大疑垂紳正笏不動聲  
色措天下於泰山之安荆公詩韓侯冰玉人不可塵土雜

簪纓動  
色于臚  
傳  
出萬增  
輝于世  
濟

駐兵延安時夜有人挾匕首至卧内公起問誰曰某來殺  
諫議曰誰遣汝曰張相公復就枕曰取首去曰某不忍  
得諫議金帶足矣遂取帶去公亦不治此事不欲驟用蘇  
軾謂當培養之李清臣謁見作詩遂有東床之選上應天  
象將薨前一夕大星隕州治樞馬皆驚帝自為碑文曰兩  
朝顧命定策元勳之墓 子忠彥 粹彥 純彥 嘉彥  
忠彥徽宗朝拜相召還流人進用忠諫之士臺諫庶司翕  
然稱得人嘗薦鄒浩 陳瓘為左右正言 嘉彥後亦拜  
相

韓億字宗魏靈壽人貧時與李若谷同試京師出謁更僕



止一瓊割而分之登第位至叅政 子絳 維 緝皆拜

相世謂桐樹韓家棠棣行中排宰相梧桐名上識韓家

絳字子莘附安石為傳法沙門拜相時弟維在翰林草制

時人榮之 維字持國諫損膳避殿不足應天變當痛自

責已廣求直言乃疏青苗開邊之害帝感悟即命維草詔

詔出人情大悅 維與司馬允 呂正獻 王荆公為四

友

韓世忠字良臣延安人敗金人為中興武功第一事關廟社

必流涕極言器仗規畫莫不精絕岳飛冤獄舉朝莫言世

忠櫻檜怒極力剖白云莫須有三字何以服天下尤知人

拔自行伍為名將者不可勝數 子彥直 彥質 彥古

俱以才見用

韓 駒字子蒼自布衣有詩名王安國云文章格調須得官

樣若子蒼之文乃臺閣之文也政和初召除正字終徽猷

待制

韓 建守華州招撫流散終晚年即增戶億千丁人號比韓

南郭

韓昭祖粗有文章人號韓八座才如拆韞線無一條長

韓 祥玉山人拜相 弟補官叅政有文武才上飛帛躬書

翁和堂賜之

名著梧  
桐  
文稱臺  
閣

韓夫人  
嫁于祐  
紅葉之  
緣



明韓成 洪武時鄱陽大戰成進曰古人有殺身以成仁者臣

今不敢辭也事急矣請主上賜袍冕以誑賊必撤圍

于是遂賜成龍袍冠冕對賊衆投水中賊果退後贈勳爵

以成爲首封高陽侯此與漢紀子觀右軍都督同知縣

人

韓雍 謚襄毅始蘇人巡撫大同精悍濶達有智畧善爲朝

廷守北門王竑薦有才畧可任大事起僉都御史平兩廣

大藤峽寇巡撫江西承制專決風采凜然恩威並著凡臨

衆奏事動發數百言引經據律一無所滯設施最愜於輿

情

韓侯取 妻汾王 之甥蹇 父之子 韓侯迎 止於蹇 之里八 鸞鏘二 爛其盈 門

韓 肅 弘治給事中時西域進獅鬚爲騷擾言陛下初

政放驅珍禽奇獸今邀受夷人貢獅恐無以方來况狎

之獸非宜玩狎供億不資宜罷遣之上不置妃嬪繼體

未立上言天子一娶十二女以廣繼嗣今舍是弗圖乃徒

建齋醮邀福於神不已惑乎上嘉納

韓宜可 建文時副都御史敦尚高潔持法廉慎齊黃建議削

奪諸王宜可云朝廷宜從寬大老成持重之言

韓應龍 嘉靖狀元及第上親閱卷定名

韓 文 字貫道山西洪澗人留守尚書歲凶移咨戶部預支

俸糧曰救荒如救焚民命安可待乎發米六千石以濟劉



瑾等薰 上狗馬鷹兔舞唱角觝為樂文憂憤令李夢陽  
具疏切諫乞拿送法司明正典刑因罷官 子士聰高唐  
知州 士奇刑部主事

角音 焦 廣平 姬姓國 武王封神農之後於焦望出中山

沃焦 漢焦延壽以易授京房分六十四卦更直日用事以風雨寒暑

桐焦 為候京房尤精於術延壽嘆曰得我之道以亡身者京生

也 為少黃令辨別奸細愛養吏民治最當遷民詣闕留

之詔增其秩

唐焦 遂與李白等酒中八仙焦遂五斗方卓然高談雄辯驚

四筵

三焦 旱焦

五代 焦 度字文續南安人少有氣幹便弓馬沈攸之反度守郢

城有功官遊擊將軍宋武曰真健人也

焦繼勳少有大志嘗讀書已謂人曰大丈夫當立功異域萬

里封侯安事筆硯遊三晉事周以功名顯 子守節有才

辯嘗奉使契丹

宋焦千之字伯強客毆陽公所呂公著見其嚴毅方正延致之

使教諸子希哲等俱為令器

焦 誦無為人鄉薦首選元豐中禮部貢院火馬希周末傳

臚卒別試誦為魁人謂不因南省火焉得狀元焦

焦 煥六安人紹定間進士第一 弟炳武舉第一

外黃著 績貪勤 詣闕之 留 遊擊立 功獨感 健人之 美



音音  
長楊  
穿楊  
潘楊

明焦 竑字弱侯號漪園南京人萬曆十七年狀元及第

楊 弘農 唐虞叔之後伯喬封楊稱楊侯 晉羊舌後亦有楊揚

周楊 朱戰國處士有隣人亡羊請楊子豎追之朱曰亡一羊

何追之者衆曰多岐路既反問羊獲乎曰亡之矣岐路之中又有岐焉不知所之也朱曰大道以多岐亡羊孟子曰楊子取爲我拔一毛而利天下不爲也

漢楊 寶見一雀爲鷓鴣所傷墮地懷歸置巾笥中餌以黃花

百餘日愈夜夢雀化黃衣童子口我西王母使者感君愛護特獻白玉環四枚令君子孫潔白累世公卿 子震字伯起稱關西夫子好學通經教授生徒不應辟命華岳西

心凜四

知允矣

常垂清

白

志除三

惑確哉

不染塵

矣

有槐市其講學處也有雀啣三鱸都講曰鱸者卿大夫之

服數三者法三台先生自此升矣鄧隲舉震荊州刺史道

經昌邑令王密夜懷金十斤以遺震曰故人知君

不知故人何也曰暮夜無知者震曰天知地知子知我知

有不欺暗室之節或勸開產業曰使後世稱爲清白吏子

孫足矣歷官太尉 耿寶爲李閔求官不得誣奏震怨望

飲鴆而卒塋日有大鳥高丈餘集喪前 子秉字叔節爲

太尉忠貞寡欲嘗言我有三不惑酒色財也有大臣節

秉子賜字伯獻少傳家學篤志博聞拜司空諫靈帝作苑

日廢田園驅居民非若保赤子之義 賜子彪獻帝時拜



諸生寤

寐乎鯉

三

六轡馳

驅十羊

五

太尉李郭之亂盡節衛主魏文帝賜之几杖待以賓禮自  
 震至彪三葉宰相四世太尉 彪子脩字德祖有俊才孔  
 君平詣其父脩出設菓有楊梅孔戲曰此君家菓脩曰未  
 聞孔雀是夫子家禽也為曹操主簿從操至江南讀曹娥  
 碑背有八字曰黃絹幼婦外孫蠶曰操曰卿且勿言行三  
 十里令脩解之曰黃絹色絲絕字幼婦少女妙字外孫女  
 之子妙字蠶曰受辛器辭字乃絕妙好辭也操深忌以他  
 事誣殺之彪痛悼操見曰太尉何瘦耶彪曰愧無日磾先  
 見之明猶懷老牛舐犢之愛脩嘗謂吾家子雲老不曉事  
 強著一書悔其少作陳思王與書曰足下高視於上京握

蛇珠荆

玉高視

上京之

中

駒齒籠

文當求

千里之

外

靈蛇之珠抱荆山之玉 震孫竒靈帝時為侍中帝問朕  
 何如桓帝對曰陛下之於桓帝猶虞舜比德唐堯帝不悅  
 曰卿強項真楊震子孫死後必復致大鳥矣  
 楊終字子山為校書郎章帝初車師與匈奴內侵終上言  
 聞者北征匈奴西開三十六國愁困之聲感動天地故孝  
 元棄珠崖光武絕西域不以鱗介易我冠裳帝嘉其言  
 受詔刪太史公書又著春秋外傳  
 楊政字子行以易教授諺曰說經鏗二楊子行  
 楊球靈帝時為尚書令時宦官濁亂朝政球拊髀發憤曰  
 若使球為司隸此曹子安得容乎後果遷司隸遂奏王甫



磔音責

段熲罪惡悉收付維陽獄磔南尸人皆稱快

楊顯為主簿諫丞相孔明曰為政有體上下不可相侵故

丙吉問牛喘陳平謝錢穀誠達其體也今躬校簿書流汗

終日不亦勞乎亮謝之及顯卒孔明垂涕三日

梁楊愔字遵彥聰慧絕人叔父奇之曰此兒駒齒未落已是

吾家龍文更十年求之千里之外又曰愔也將相器武帝

時拜太子少保四世同居

隋楊素字處道才兼文武志懷遠大唐高祖龍飛功臣莫出

其右加上柱國封越國公子弘禮兵部侍郎太宗征遼

禮領兵所向披靡帝自山上望見其袍俠精整人盡力

嘆曰越公兒故有家風

唐楊師道字景猷清警有才思拜中書令兄恭拜侍中從

孫執柔武后時平章一門三相

楊巨源字景山進士為國子司業致政歸退之為序以送謂

可方二疏有詩一卷

楊承令為尚書玄宗選承令等十三人為郡守命宰相薦於

洛濱賜膳賜詩

楊收字藏之與薛逢同年後拜相逢上詩云須知金印朝

天客便是沙堤避路人

楊於陵十八登第韓滉奇之謂妻曰閩人多矣求佳壻無如

天子賜洛濱之  
宰相行沙堤之  
路



屏鋪錦  
綉文章  
麗  
耳滿宮  
商音韻  
鏗

於陵若有子必為宰相以女妻之 代表滋刺史華州見

耆老皆留滋宣言曰民心如此於陵不敢易袁公之政

考試取牛僧孺 皇甫湜 李宗敏三人直言時政於陵

以收直言譴謫歷戶部尚書言錢者所以權百貨懋遷有

無宜流散不宜蓄聚使稅課皆用穀帛廣鑄錢而禁淹滯

則錢日輕於是兩稅輸布絲不忝關西夫子 子嗣復拜

相善詩人稱盈耳宮商

楊 炯中童子科年十一侍制弘文館終盈川令時王 楊

盧 駱稱四才子炯曰耻居王後愧在盧前張說謂盈川

文如懸河酌之不竭

楊汝士與元稹 白居易席上賦詩汝士詩有警句云文章

舊價留鸞掖桃李新陰在鯉庭歸語人曰吾今日壓倒元

白 薦魏暮為補闕

楊 憑字虛受善詩文韓愈詩序云常侍楊公有倡斯和搜

奇抉秘雕鏤文字鏗鏘發金石幽渺感鬼神云

楊 綰字公權稱文簡華陰人為吏尚品裁清允人比山濤

謝安清簡儉素拜相制下朝野相賀郭子儀宴客減坐中

聲樂五分之四黎幹騶從甚盛即日省之崔寬毀第舍弊

政侈俗漸革 薦顏真卿為刑部尚書及卒帝曰天不欲

朕致太平何奪之速也

才名震  
世星辰  
摘百尺  
之高  
清譽襲  
人声樂  
減五分  
之半



斥言移

主意

三世悅

親心

楊侃字士業父播登進士為諫議大夫叔椿一門朱紫侃

不出曰苟有良田何憂歲晚後仕大都督弟炎字公南

性至孝父喪廬墓有紫芝白鶴之祥歷三世以孝聞詔表

其門德宗時拜相以斥言移人主意作兩稅法天下受其

利

楊玠娶崔季讓女崔富圖籍玠遊其精舍輒覽記之曰崔

氏書被人盜盡崔遽檢之楊捫腹曰藏之經笥矣

楊徽之字仲獻素以詩名僧文寶曰必以天地浩露滌筆於

冰甌雪椀中方於此神骨相副為翰林學士以詩百篇獻

上選書御屏梁周翰云誰似金華楊處士十聯詩在御

屏間

楊瑒為刺史少時卽有清操有人餽孺子一餅偽受之乃

棄於垣外人服其廉

宋楊億字大年浦城人祖文逸為玉山令夢懷玉山人來謁覺

而生又云武夷君所生六歲不能言人抱登樓遂吟危樓

高百尺手可摘星辰不敢高聲語恐驚天上人十一中神

童願秉忠清節終身立聖朝為翰林學士有八角磨盤之

句夏竦言其文如錦綉屏風性耿介尚名節文格雄健學

者宗之稱一代文豪喜誨誘後進帝欲立劉德妃為后億

不肯草制曰如此富貴非吾願也乃命他學士文與王

瑒音揚

文體擅

西崑之

美

圖書生

東壁之

光



鼎王綽齊名號江東三虎 詩宗李義山號西崑體

楊時字中立延平人潛心聖學登第不赴官師事程顥相

得甚懽顥目送其歸曰吾道南矣師程頤年已四十頤瞑

目坐與游酢侍立門外雪深一尺頤德重望道之正宗號

海濱鄒魯為蕭山令有惠政邑人祀之詩云義難阿世非

忘世志不謀身豈誤身張鬻薦於蔡京謂龜山大儒宜置

左右召為秘書郎面對堯舜允執厥中洪範皇建有極願

詔有司條具祖法著為綱目元祐熙豐始置勿問一趨於

中而已徽宗首肯歷國子祭酒言蔡京以繼述神宗為名

實挾王安石以圖身利諫官疏抵時乞致仕朱熹張栻得

立雪望  
重千程

門  
摘尾名

高子聖  
世

程氏學其源委皆出於時也

楊萬里字廷秀吉水人聞張浚誠意之說因號誠齋登第赴

宴詩瓊林赴宴唱聲雄人似神仙馬似龍謝疊山書黃甲

同年半是雲霄之曲武青燈夜話蕭然山澤之癯儒為寶

謨學士際遇三朝始終一節愛君憂國之心皎然與日月

爭光孝宗稱仁者之身又曰書生知兵惟一入而已謚文

節退休詩醉倒落花前天地即衾枕吉安有祠 子長孺

號東山為敷文館學士以忤權貴罷陳膚中作玉壺冰生

絃絃二詩送行 林自知詩云公來無琴鶴公去有草鞋

楊德逢致仕王荆公以詩招之云山林投老倦紛二獨卧看

黃絹幼

婦非德

禮其能

辨也

朱絲玉

壺惟長

孺其克

當之



雲却憶君雲尚無心能出岫不應君更懶於雲

楊汝勵嘗處僧舍夢古衣冠者曰汝能從乎勵隨往見宮衛

接武于 若非人間王者乘圭南面指一人曰此來和天尊異日汝

無敵之 主也再拜寤後進士第一真宗在襄邸勵為記室叅軍諤

威如追 見卽何夢天尊也官樞密副使

雉兔

楊業太原人太宗時代州刺史言吾用兵猶用鷹犬逐雉

遼東之 兔契丹兵入堊旌旗輒引去號楊無敵忠烈武勇有智謀

域若奮 與士卒同其苦士卒樂為之用 子延昭亦以善戰著號

熊羆 令嚴明遇敵必身先行陣克捷推功於下在邊二十年契

丹憚之目為楊六郎

楊簡字敬仲仕富陽主簿陸九淵過之造謁與言遂定師

弟之禮自是言動準於古人嘗知温州戒門人袁甫念千

里生民之寄

楊沂中字正甫後賜名存中崑縣人天資忠孝學孫吳兵法

善騎射張俊薦為將官李昱據任城沂中奉詔挾數騎入

擊數百人帝乘高望見介冑盡赤劉猷以金人南下據山

列陣沂中直破之於藕塘賊謂將軍銳不可當果楊殿

前也加檢校少保又與虞允文協力拒金帝謂忠無與三

朕之子儀也

楊仲希字季達新津人微時客成都主家婦出而謂之仲希

念生民

而成表

情周千

里

希逢人

之說項

心切斤

長



正色以拒其夜妻家夢人告曰汝夫處他鄉不欺暗室神明知之當魁多士次年果第一

**楊祭酒贈項斯**詩云幾度愛君詩最美見君標格勝於詩平生不解藏人善到處逢人說項斯

**明楊璟**洪武時為平章嘗靖湖襄定廣西又有太原之捷

**楊士奇**謚文貞稱西楊太和人年十二為童子師婦家有壤

塚術者曰塋此必貴**士奇**曰幽明一理攘人之室而居之得者失者皆能安乎客遊湖湘**王叔英**奇之曰**王佐**才也  
以名儒薦於朝 召入翰林**方孝孺**亟稱之奏為副總裁  
尚書**張統**讀其策曰明達時務有用之才歷少保稱西楊

相業東楊相才南陽相量薦達士類頗多薦**薛瑄**可大用

薦**楊仲舉** **吳敏德** **陳嗣初**等後老病其子**稷**敗德被害者連奏其不善之狀朝廷不忍加罪付其狀於**士奇**始論其子於法斬之有楊東里集三朝聖諭錄

**楊榮**稱文敏亦東楊年十三或論古名相難及榮曰自臯夔稷契外皆可及文如春日園林群英競秀清風澗谷幽蘭獨芳謀而善斷果而能容內行謹修胸度圓融運籌設險屢從出塞朝退與客談**疏廣**傳客盛譽知足不辱公曰事君公爾忘私詎須取老氏旨自託著有兩京類藁玉堂遺稿北征記退相集



楊溥稱石首亦南楊謙謹小心吏卒不敢慢曰士君子一言一行幽明無愧方無負父母生成之恩文定子來京備言州縣迎送之多惟江陵知縣范理不爲禮溥廉知其能薦理爲知府

楊繼宗字子器山西陽城人歷三縣俱有異政曰官負民耳民何負官守嘉興叔治署縣篆御史欲活之詰曰盜有失主乎曰朝廷卽失主有原告乎曰知府卽原告按察浙江禁革中官供給日費萬錢巡撫順天奪權貴田地悉還民間好善惡惡出於天性人多憚之

楊守陳稱文懿鄞縣人性恬淡未嘗求進權倖有重其賢欲

援之使所親諭意曰吾猶娶婦豈白首改節景泰以銀豆金錢撒地作銀豆謹仕吏部嘗教內豎同事者率因取寵守陳獨無所資藉子茂仁按察山東上疏言官多則民擾治河旣委劉大夏又差李興陳銳事權分而財力匱也太監切齒謫同知

楊性吳人早有敏才從楊廉夫遊廉夫自稱鐵笛道人爲老鐵性爲小鐵

楊斛山爲御史一年告歸養云萍水之歡天性之愛古人不以三公易一日

楊廷和四川新都人父春仕提學僉事和年十二舉鄉試登



第嘉靖時拜相言僉事史道論臣再三 皇上下道於獄  
今公論明而國是定矣聞道有老母乞賜矜全俾改過自  
効 上曰卿忠誠體國正大光明史道挾私誣罔取罪卿  
更為陳具見休 有容 子慎字用脩號升庵廷試鼎元  
武宗命內待問注張何星諸學士不能答慎曰柳星也  
見雨霽虹霓下飲澗水題渴虹下飲玉池水蜺日橫分蒼  
嶺霞

楊一清號邃庵南京人總制全陝謂無事當如有事時隄防  
有事當如無事時鎮靜嘉靖初以才望入相獎拔善類練  
達事體每奏報虜情羽檄旁午口占手授悉合神筭人謂

應變之才真姚崇也上疏言今日之務在省事不在多事  
在守法不在變法在安靜不在紛更在寬厚不在煩苛人  
餽寶珠一斗分勞左右立盡仕途有貧歸分囊助給羅念  
庵曰為天下用財不以私蓄即此一介不取可也

楊宗喬峭直與人議論不能下氣偶見桂古山曰辟如對奕  
且饒一着辟如爭路且退一步

楊繼盛兵部員外疏論馬市其謬有五不可有十 上謂沮  
撓邊政杖之貶典史後二年 上思其疏皆驗復其官論  
劾嚴嵩有十罪五奸 上怒其引用二王杖公百或遺轉  
蛇膽公曰柵山自有膽處斬妻張氏乞代不許臨刑詩云



浩氣還太虛丹心照千古平生未報恩留作忠魂補

**楊博**嘉靖時為吏部尚書以題覆舛誤罷科臣嚴用和言

**楊博**別歷中外民事邊情無不諳練及正銓衡秉公守正

不宜以小誤命休致嘗奉 詔陳天下郡邑衝僻繁簡不

同有逸而得譽有勞而速謗既乖黜陟之典遂啓趨避之

途

**楊時喬**字宜遷上饒人幼穎悟日誦數千言設疑發難輒當

窾會注意程朱登進士歷官務為鎮靜清案牘簡訟牒蕭

然齋居仕至吏部左侍郎 上眷倚獨至疏薦海內人才

幾無餘所著有周易全書大學古文四書訓解書經訓解

禹碑釋孔子朱子圖贈吏部尚書謚端潔

**揚** 天水 揚雄自序手易別一族亦云伯僑裔揚脩云吾家子雲同關西之揚特好奇之過獨自標異耳

**漢揚** 雄字子雲蜀郡成都人少好學不為章句簡易佚蕩口

吃不能劇談不汲於富貴不戚於貧賤博極群書度

越諸子**成帝**召對承明庭奏其泉河東長楊校獵四賦其

泉賦成夢口吐白鳳古詩云揚雄更有河東賦直待吹噓

送上天以經莫大於易作太玄傳莫大於論語作法言篇

莫善於蒼頡作訓纂賦莫深於離騷作反騷**劉歆**論太玄

云非子雲澹雅之才沉鬱之思不能作人嘲以玄之尚白

雄作解嘲觀雷觀火為盈為實天收其聲地藏其言盛

商音 揚揚 張揚 激揚 舉揚



吐鳳文

高

草玄望

重

必衰也蜀有富人賫錢十萬願載名於法言**雄**曰富人如

園中之鹿欄中之牛奚可妄載家貧嗜酒有好事者載酒

從遊為大夫三世不徙官有劇秦美新文故**朱子**曰莽大

夫校書天祿閣以**劉棻**辭連**雄**二恐從閣上投下幾死

子烏七歲預玄文稱神童

宋揚王休字子美調台州黃巖縣尉白郡黥一武斷豪民州里

稱賀號鐵面少府

文筭彙卷之十三終



